

Wolof - Mucc Mbind - Salvation Scriptures

Efes 2:2 Ci biir yooyu ngeen doon dund démb, topp doxalinu àaddina, tey déggal kilifag boroom sañ-sañ yi ci jaww ji, di xel mu bon miy jef ci kureelu ñi déggadil Yàlla.

Macë 6:10 na sa nguur ñëw,na sa coobare am ci suuf mel ni ci kaw.
Luug 22:42 «Baay, soo ko bëggee, teggil ma kaasu naqar bii. Moona bumu doon sama coobare, waaye na sa coobare am.»

Yowaana 16:7-9 Moona de, ci sama wàll, dëgg laa leen di wax. Li gën ci yéen mooy ma dem, ndaxte su dul loolu, Dimbalikat bi du ñëw ci yéen; waaye su ma demee, dinaa leen ko yónnee. 8 Te bu dikkee, dina yey niti àaddina ci lu jëm ci seen bakkhaar, ci lu jëm ci sama njubte ak ci lu jëm ci àtte ba. 9 Ci mbiri seen bakkhaar, dina leen yey ci li ñu ma gëmul.

2 Timote 2:10 Te lii tax may muñ lépp, ngir ñi Yàlla tånn it am mucc gi ci Kirist Yeesu, gu ànd ak ndam lu sax.

Room 15:20,21 Sama yéene mooy xamle xebaaru turu Kirist fa mu eggagul, ndax bëggumaa yeggale sas wu keneen daloon. 21 Li ma def nag, dëppoo na ak li Mbind mi wax ne:«Ñi yégagul mbiram dinañu ko yég, te ñi ko musul a dégg, xam ko.»

Jëfi Ndaw ya Kirist Yónni 2:36,37 «Na bànni Israyil gépp xam bu wóor nag ne, Yeesu moomu ngeen daajoon ci bant, Yàlla def na ko Boroom ak Almasi bi.» 37 Bi ko mbooloo ma déggee, naqaru xol wu metti jàpp leen; ñu daldi ne Piyeer ak ndaw ya ca des: «Bokk yi, lu nu war a def?»

Yawut Ya 4:2 Nun jot nanu xebaar bu baax bi ni ñoom, waaye kàddu, ga ñu déggoon, jariñu leen dara, ndaxte boolewuñu ci ngëm, ba ñu koy déglu.

Yeremi 24:7 Maa leen di may coobarey xam ma, te xam ne maay Aji Sax ji, ba ñu doon sama ñoñu bopp, man ma doon seen Yàlla. Dinañu délseek seen léppi xol ci man déyl!»

Macë 22:37 Yeesu tontu ko ne: « “Nanga bëgg Yàlla sa Boroom ak sa xol bépp ak sa bakkan bépp ak sa xel mépp.”

Jëfi Ndaw ya Kirist Yónni 16:14 Fekk am na fa jigéen juy déglu, tudd Lidi, di jaaykatu cuub, bu dëkk Catir, te mu ragal Yàlla. Noonu Boroom bi ubbi na xolam, ba mu nangu li Pool di wax.

Macë 13:14-16 Li Esayi waxoon ci kàddug Yàlla am na ci ñoom, bi mu naan:“Dingeen déglu bu baaxwaaye dungeen xam dara;di xool bu baax waaye dungeen gis dara. 15 Ndaxte xolu xeet wii dafa dërkiis;dañuy déglu ak nopp yu naqari, tey gëmm seeni bët, ngir bañ a gis ak seeni bët, dégg ak seeni nopp, te xam ci seen xol, ñu woññiku ci man, ma wéral

leen.” 16 «Waaye yéen barkeel ngeen, ndaxte seeni bët a ngi gis te seeni nopp di dégg!

Esayi 6:9,10 - Jëfi Ndaw ya Kirist Yónni 28:27 Ndaxte xolu xeet wii dafa dërkiis;dañuy déglu ak nopp yu naqari,tey gëmm seeni bët,ngir bañ a gis ak seeni bët,dégg ak seeni nopp,te xam ci seen xol,ñu woññiku ci man, ma wéral leen.

Màrk 4:11,12 Mu tontu leen: «Yéen may nañu leen, ngeen xam mbóoti nguuru Yàlla, waaye ñi ci biti léeblé ay ëemb lépp. 12 Noonu la, ngir:“Ñuy xool bu baax waaye duñu gis dara,di déglu bu baax waaye duñu xam dara,ngir bañ ñu tuub seeni bákkaar,te Yàlla baal leen.”»

Yowaana 12:39,40 Mënuñu woon a gëm, ndaxte Esayi dafa waxaat ne: 40 «Yàlla dafa gumbaal seeni bët,def ba ñu dëgér bopp,ngir seeni bët bañ a gis,seen xel bañ a xam,ñu bañ a woññiku ci manngir ma wéral leen.»

Room 11:7,8 Kon lu nu ci war a wax? Li bànni Israyil doon wut, gisuñu ko. Waaye ñi Yàlla tànn rekk a ko gis, te ña ca des bañ a gëm, ba seen xol dërkiis. 8 Looloo tax Mbind mi ne: «Yàlla daf leen a jox xelum nit ku gëmmeentu,bët yu gëlém ak nopp yu tëx,ba ci bésub tey.»

2 Tesalonig 2:10,11 te dina nas bépp naxe buy sàanke, ba yéem ñi nar a alku, ndaxte ubbiluñu seeni xol dëgg, gi leen manoona musal. 11 Looloo tax Yàlla yónnee leen xelum réer, ba ñu gëm fen.

Macë 13:18-23 «Yéen nag dégluleen li léeblé beykat biy tekki. 19 Boo xamee ne nit mu ngi déglu wax ju jëm ci nguuru Yàlla te xamu ko, Ibliis day ñëw, këf li ñu def ci xolam; kooku mooy ki jot ci jiwi wi ci kaw yoon wi. 20 Ki jot ci jiwi wi ci bérab bu bare ay doj nag, mooy ki dégg wax ji, am ci bánnex bu gaaw; 21 waaye du yàgg, ndaxte wax ji saxul ci moom. Bu jaaree ci nattu nag, mbaa ñu fitnaal ko ndax kàddu gi, mu dàggeeku ci saa si. 22 Ki jot ci jiwi wi ci xaaxaam yi mooy ki dégg wax ji, waaye soxlay àddina ak naxi alal tanc wax ji, ba du jur njariñ. 23 Ki jot ci jiwi wi ci suuf su baax si nag, mooy ki dégg wax ji te xam ko; mu jural ko njariñ, muy lu mat téeméeri yoon lu ëpp la ñu ji woon, muy juróom-benn-fukk mbaa fanweer.»

2 Korent 3:15,16 Waaw, ba tey jii, su ñuy jàng yoonu Musaa, seen xol dafay muuru. 16 Waaye saa su kenn walbatikoo ci Boroom bi, muuraay gi daldi muriku.

Ose 11:3-7 - Macë 11:28-30 «Ñëwleen ci man, yéen ñépp ñi sonn te diis, dinaa leen may noflaay. 29 Jébbaluleen ci man te jàng ci man, ndaxte lewet naa te woyof, te dingeen am noflaay ci seen xol. 30 Ndaxte sama kilifteef lewet na te sama yen diisul.»

Jëfi Ndaw ya Kirist Yónni 26:18 ngir ubbi seeni bët, nga jële leen ci lëndëm, tàbbal leen ci leer, nga nangoo leen ci sañ-sañu Seytaane, woññi leen ci

Yàlla, ma baal leen seeni bàkkaar te may leen cér ci biir sama gaa yi sell ci kaw ngém.

2 Timote 2:24-26 Te jaamu Boroom bi warul a xuloo, waaye na lewet ci ñépp, jekk ngir jàngale tey muñ fitnay noon. 25 Na jubanti cig suufe ñi koy diijat, tey yéene Yàlla xiir leen ci réccu, ba ñu xam dëgg; 26 ñu rëcc ci fiirug Seytaane, mi leen jàpp niy jaam, te ñu dellusi ci seen xel yu rafet, ba sóobuwaat ci coobareg Yàlla.

Peeñu 3:17-19 Yaa ngi damu naan: "Am naa alal, duunle naa, soxlaatuma dara." Fekk xamuloo ne, torox nga, miskin, ñàkk, gumba te rafle. 18 Moo tax maa ngi lay xiirtal, nga jënd ci man wurus wu ñu xellee ci safara, ngir nga duunle, te nga jënd yére yu weex ngir nga solu, ba sa gàcceg rafle bañ a feeñ, ak tuufaay booy diw ci say bët, ngir man a gis. 19 Man maay yedd, di yar ñépp ñi ma bëgg. Farlul kon te tuub say bákkaar.

2 Korent 7:10 Ndaxte tiis wu jóge ci Yàlla dina jur réccu guy jëme ci muc, te réccu googu laajul gëstu. Waaye tiisu àddina day jëme ci dee.

1 Kilifa 18:37 - Yàlla turn heart back to Yàlla.

2 Korent 4:4 Ñoom la yàllay jamono ji gélémal seen xel, ngir ñu bañ a gis leelu xebaar bu baax, biy wone ndamu Kirist, mi di melokaanu Yàlla.

Luug 8:11-15 Lii la léebu beykat bi di tekki. Kàddug Yàlla mooy jiwu wi. 12 Ki féete ci yoon wi mooy ki dégg. Gannaaw gi, Seytaane dafay ñëw, këf kàddu, gi ñu def ci xolam, ngir mu bañ a gëm te Yàlla musal ko. 13 Ki nekk ci bérab bu bare ay doj, mooy ki dégg kàddu gi, ba noppi nangu ko ak mbég. Waaye wax ji saxul ci moom. Dina gëm ab diir, waaye bu nattu yi agsee, mu daldi dàggeeku. 14 Ki jot ci jiwu wi ci xaaxaam yi mooy ki dégg kàddu gi, waaye nes tuuti soxla yi ak alal ak bànneexi àddina tanc ko, ba du àgg cig mat. 15 Ki jot ci jiwu wi ci suuf su baax si nag, mooy ki dégg kàddu gi te denc ko ci xol bu baax bu gore, te muñ ba jur njariñ.

Jëfi Ndaw ya Kirist Yónni 15:11 Nun daal ci yiwu Yeesu Boroom bi lanu yaakaar a mucce, te ñoom itam, ci lañu wékku.

Room 8:13 ndaxte kuy topp nafsoom, fàww mu dee, waaye kuy noot jëfi yaramam ci dooley Xelu Yàlla mi, dina dund.